



Број: 02-11-4-3056-15/24

Datum: 28.03.2024.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14 i 59/22), člana 34. stav (6) Pravilnika o javnim nabavkama Uprave policije Ministarstva unutrašnjih poslova Kantona Sarajevo („Službene novine Kantona Sarajevo”, broj 44/23) i preporuke Komisije za nabavku usluga objavljivanja obavještenja u Službenom glasniku za potrebe Uprave policije Ministarstva unutrašnjih poslova Kantona Sarajevo imenovane Rješenjem broj: 02/5-1-30-1-3570 od 20.02.2024. godine, u postupku javne nabavke usluga objavljivanja obavještenja u Službenom glasniku, putem pregovaračkog postupka bez objave obavještenja o nabavci, policijski komesar Uprave policije Ministarstva unutrašnjih poslova Kantona Sarajevo, d o n o s i:

## **ODLUKU** **O IZBORU NAJPOVOLJNIJEG PONUĐAČA I DODJELI UGOVORA**

### **I**

Prihvata se preporuka Komisije za nabavku usluga objavljivanja obavještenja u Službenom glasniku za potrebe Uprave policije Ministarstva unutrašnjih poslova Kantona Sarajevo i ugovor za javnu nabavku usluga objavljivanja obavještenja u Službenom glasniku dodjeljuje se ponuđaču:

- JP NIO Službeni list BiH u iznosu od 9.835,76 KM bez PDV-a.

### **II**

Ponuđač će biti obaviješten o rezultatima postupka u roku od 7 (sedam) dana od dana donošenja odluke o izboru ponuđača. Prijedlog ugovora o nabavci dostavit će se na potpis izabranom ponuđaču JP NIO Službeni list BiH po isteku zakonom predviđenog roka od dana od kada su svi ponuđači obavješteni o izboru najpovoljnije ponude.

### **III**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

### **Obrazloženje**

Na osnovu Odluke broj: 02-11-4-3056/24 od 30.01.2024. godine Ugovorni organ Uprava policije Ministarstva unutrašnjih poslova Kantona Sarajevo je na Portalu javnih nabavki objavio informaciju o pregovaračkom postupku bez objave obavještenja o nabavci broj 16475-4-2-20/24 za nabavku usluga objavljivanja obavještenja u Službenom glasniku. Rok za dostavljanje Zahtjeva za učešće u pregovaračkom postupku bez objave obavještenja o nabavci bio je 20.02.2024. godine.

U ostavljenom roku Zahtjev za učešće je dostavio kandidat JP NIO Službeni list BiH.

Komisija za nabavku usluga objave obavještenja u Službenom glasniku za potrebe Uprave policije Ministarstva unutrašnjih poslova Kantona Sarajevo (u daljem tekstu: Komisija) je izvršila pregled i ocjenu dostavljenog Zahtjeva za učešće te utvrdila da isti ispunjava pretkvalifikacijske uslove propisane tenderskom dokumentacijom, o čemu je sačinila Zapisnik o pregledu i ocjeni Zahtjeva za učešće broj 02-11-4-3056-4/23 od 21.02.2024. godine.

Na osnovu navedenog Zapisnika o pregledu i ocjeni Zahtjeva za učešće donesena je Odluka o rezultatima pretkvalifikacije broj: 02-11-4-3056-4/24 od 22.02.2024. godine, kojom je utvrđeno da se za II fazu postupka kvalifikovao se kandidat JP NIO Službeni list BiH.

Nakon utvrđivanja kvalifikovanosti kandidata, dana 29.02.2024. godine na portalu javnih nabavki objavljen je poziv za dostavljanje početne ponude. Rok za dostavljanje početne ponude bio je 07.03.2024. godine.

Prema Zapisniku sa otvaranja ponuda, broj: 02-11-4-3056/24 od 07.03.2024. godine, u ostavljenom roku, blagovremeno je dostavljena početna ponuda ponuđača JP NIO Službeni list BiH u iznosu od 9.835,76 KM bez PDV-a.

Na osnovu dostavljene početne ponude, Komisija je pristupila pregovorima sa ponuđačem JP NIO Službeni list BiH. O izvršenim pregovorima je sačinjen Zapisnik o pregovorima broj 02-11-4-3056-10/24 od 14.03.2024. godine, kojim je konstatovano da je ponuđena cijena fiksna i nepromjenljiva te da će se pristupiti trećoj fazi postupka, odnosno da će ponuđač JP NIO Službeni list BiH biti pozvan da dostavi konačnu ponudu sa pratećim dokumentima.

Na osnovu obavljenih pregovora, dana 19.03.2024. godine na portalu javnih nabavki objavljen je poziv za dostavljanje konačne ponude. Rok za dostavljanje konačne ponude bio je 26.03.2024. godine.

Prema Zapisniku sa otvaranja ponuda, broj: 02-11-4-3056/24 od 26.03.2024. godine, u ostavljenom roku, blagovremeno je dostavljena konačna ponuda ponuđača JP NIO Službeni list BiH u iznosu od 9.835,76 KM bez PDV-a.

Komisija je izvršila pregled i ocjenu dostavljene ponude, te sačinila Zapisnik o pregledu i ocjeni konačne ponude broj: 02-11-4-3056-14/24 od 27.03.2024. godine, kojim je utvrdila da ponuda ponuđača JP NIO Službeni list BiH sadrži sve elemente tražene tenderskom dokumentacijom, odnosno da ispunjava sve formalno-pravne, ekonomske i tehničke uslove i shodno utvrđenom kriteriju "najniža cijena" ispunjava sve zahtjeve Ugovornog organa, te dala preporuku policijskom komesaru Uprave policije Ministarstva unutrašnjih poslova Kantona Sarajevo da postupi u skladu sa članom 70. stav (1) i (3) Zakona o javnim nabavkama te donese Odluku o izboru najpovoljnijeg ponuđača i ugovor dodijeli ponuđaču JP NIO Službeni list BiH.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije. U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav (1) tačka a) Zakona o javnim nabavkama („Službeni glasnik BiH“, broj: 39/14 i 59/22), Zapisnikom o pregledu i ocjeni konačne ponude riješeno je kao u dispozitivu.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14 i 59/22).

**POLICIJSKI KOMESAR**  
**General. inspektor policije**

\_\_\_\_\_  
**Fatmir Hajdarević**

**Dostaviti:**

1. Komisiji za nabavku usluga objave obavještenja u Službenom glasniku
2. Ponuđaču
3. Odjeljenju za odnose s javnošću, radi objave na web stranici ovog organa
4. a/a